



Na osnovu čl. 64. stav (1) i 70. Zakona o javnim nabavkama („Službeni glasnik BiH“, br. 39/14, 59/22 i 50/24) i člana 10. Pravilnika o javnim nabavkama (08-02-2-3567-1/2024 od 25.09.2024. godine), na preporuku Komisije za javne nabavke od 19.11.2024. godine, direktor Sekretarijata Visokog sudskog i tužilačkog vijeća Bosne i Hercegovine, donosi

## O D L U K U o izboru najpovoljnijeg ponuđača

### Član 1.

(Predmet odluke)

Ugovor o nabavci usluga istraživanja o zadovoljstvu korisnika sudova za potrebe Visokog sudskog i tužilačkog vijeća Bosne i Hercegovine, dodjeljuje se ponuđaču **Custom Concept d.o.o. Sarajevo**, za ponuđenu ukupnu vrijednost ponude od **25.080,00 KM** bez PDV-a.

### Član 2.

(Kriterij za dodjelu ugovora)

- (1) Ponuda ponuđača iz člana 1. ove odluke zadovoljava sve uslove utvrđene u predmetnom Konkurentskom zahtjevu za dostavu ponuda.
- (2) Ponuđaču iz člana 1. ove odluke, ugovor će biti dodijeljen u skladu sa elementima Ponude, te uslovima i kriterijima utvrđenim u obavještenju o nabavci i Konkurentskom zahtjevu za dostavu ponuda.

### Član 3.

(Obaveze ponuđača)

Ukoliko izabrani ponuđač nije dostavio dokaze o ispunjavanju kvalifikacijskih uslova prije prijema ove odluke, isti ih je dužan dostaviti na način i u roku navedenim u konkurentskom zahtjevu za dostavu ponuda.

## O b r a z l o ž e n j e

Postupak javne nabavke proveden je putem Konkurentskog zahtjeva za dostavu ponuda. Obavještenje o nabavci objavljeno je na web portalu: <https://www.ejn.gov.ba/>, broj obavještenja: 172-7-2-238-3-89/24 objavljeno dana 22.10.2024. godine. Primljene su ponude ponuđača Bihamk asistencija d.o.o. Sarajevo i Custom Concept d.o.o. Sarajevo.

Komisija za nabavke imenovana Rješenjem o imenovanju, broj: 05-16-4-4346-1/23 od 26.12.2023. godine i 05-16-4-419-2/24 od 16.09.2024. godine, izvršila je pregled i ocjenu ponuda (Zapisnik o pregledu i ocjeni ponuda i izvještaj o radu Komisije, broj: 05-16-4-3820-13/24 od 19.11.2024. godine je u prilogu ove Odluke), i utvrdila sljedeće:

- Ponuda ponuđača Bihamk asistencija d.o.o. Sarajevo se odbacuje jer ponuđač nije ispunio uslove za kvalifikaciju iz Konkurentskog zahtjeva, broj 05-16-4-3820-2/24 od 22.10.2024. godine, a u skladu sa članom 68. stav (4) tačka i) Zakona o javnim nabavkama.

Ugovorni organ je odredbama Konkurentskog zahtjeva zahtijevao sljedeće:

1. „3.2.1. U svrhu ispunjavanja USLOVA za dokazivanje sposobnosti za obavljanje profesionalne djelatnosti propisane članom 46. Zakona, ponuđači treba da budu registrovani u odgovarajućim profesionalnim ili drugim registrima zemlje u kojoj su registrovani ili su osnovali firmu.  
3.2.2. Kao DOKAZ kojim se potvrđuje ispunjavanje uslova iz tačke 3.2.1. ponuđači trebaju dostaviti:
  - Rješenje o upisu u sudski registar ili
  - (Aktuelni) izvod iz sudskog registra ili

- posebnu izjavu ili potvrdu nadležnog organa kojom se dokazuje njihovo pravo da obavljaju profesionalnu djelatnost, koja je u vezi sa predmetom nabavke.“

2. Tačkom 3.3.1. b) „Da ponuđači raspolažu sa **najmanje dva stručnjaka** (koordinator i istraživač) koji će biti odgovorni za pružanje usluga i koji posjeduju odgovarajuće obrazovne i profesionalne kvalifikacije u skladu sa članom 50. tačka b) Zakona“

Kao dokaz kojim se potvrđuje ispunjavanje uslova iz tačke 3.3.1. b), ponuđači trebaju dostaviti „Ugovor o angažovanju stručnjaka koji će važiti za vrijeme trajanja ugovora koji je predmet nabavke (za ključne stručnjake koji nisu zaposleni kod ponuđača) ili uvjerenje nadležne institucije kojom se potvrđuje da su stručnjaci zaposleni kod ponuđača.“, a u skladu sa tačkom 3.3.2. c) alineja 6. Konkurentskog zahtjeva.

Ponuđač Bihamk asistencija d.o.o. Sarajevo u svojoj Ponudi, broj: 01-02-657/24 od 06.11.2024. godine (u daljem tekstu: Ponuda) nije dostavio nijedan od dokaza zahtijevanih tačkom 3.2.2. Konkurentskog zahtjeva za dostavu ponuda.

Također, ponuđač Bihamk asistencija d.o.o. Sarajevo u svojoj Ponudi nije dostavio nijedan od dokaza zahtijevanih tačkom 3.3.2. c) alineja 6. Konkurentskog zahtjeva za dostavu ponuda „Ugovor o angažovanju stručnjaka koji će važiti za vrijeme trajanja ugovora koji je predmet nabavke (za ključne stručnjake koji nisu zaposleni kod ponuđača) ili uvjerenje nadležne institucije kojom se potvrđuje da su stručnjaci zaposleni kod ponuđača.“

S obzirom na sve prethodno navedeno, Ponuda ponuđača Bihamk asistencija d.o.o. Sarajevo ne ispunjava zahtjeve iz Konkurentskog zahtjeva, te je ocijenjena neprihvatljivom.

Ponuda ponuđača Custom Concept d.o.o. Sarajevo je ocijenjena kao prihvatljiva, budući da je u skladu sa uslovima iz Konkurentskog zahtjeva broj 05-16-4-3820-2/24 od 22.10.2024. godine i u okviru budžeta planiranog za predmetnu nabavku.

U predmetnom postupku predviđena je e-aukcija. Obzirom da je primljena samo jedna prihvatljiva ponuda nije bilo moguće provesti e-aukciju a u skladu sa članom 4. stav (2) Pravilnika o uslovima korištenja e-aukcije („Službeni glasnik BiH“, broj 80/23).

Komisija je uputila preporuku direktoru Sekretarijata Visokog sudskog i tužilačkog vijeća Bosne i Hercegovine za izbor najpovoljnijeg ponuđača **Custom Concept d.o.o. Sarajevo**.

Uzimajući u obzir navedeno, odlučeno je kao u dispozitivu ove odluke.

### Pouka o pravnom lijeku

Žalba se izjavljuje Uredu za razmatranje žalbi Bosne i Hercegovine putem Visokog sudskog i tužilačkog vijeća Bosne i Hercegovine u pisanoj formi u tri primjerka neposredno, elektronskim putem ili preporučenom poštanskom pošiljkom u roku od pet dana od dana prijema ove odluke.

Broj: 05-16-4-3820-14/24

Datum: 19.11.2024. godine

Dostavljeno:

- Ponuđačima,
- Odjelu za finansije i računovodstvo,
- a/a.

Direktor Sekretarijata  
MP  
Admir Suljagić

